

渠縣志

卷首
宸章

總目分五十五卷實在內有十一卷有目無書
今於目錄加硃點為記

3709

282.315
380
-12

編方下邑未奉
明文志中凡遇
上御名偏旁皆
避作音昭其敬
也未識當否閱
者諒之

同治甲子重鐫

渠縣志

本衙藏板

重修渠縣志序



渠舊無志初始於乾隆戊午大人
三韓蒲鉉聲遠氏採訪舊聞為之
藍本越二年大令李公雲彌復循
之多據順慶府志補綴成書逮嘉
慶壬申通志局開大尹王公來遴
奉札重加修輯予以同治初元王

戊代庖茲邑越明年適重修通志
奉札採訪蓋已歷五十二年矣予
既委邑紳余騰蛟等五路採訪復
禮延賈君振麟等纂修校訂書成
例得弁言遂不禁喟然曰志乘之
作其所係之鉅矣我蓋自

宸章雲漢首冠簡端大而星野連置之

沿草山川埤池之高深戶口田賦
之繁職官兵制之鉅以及學校風
俗之盛人物藝文之優上下數千
年縱橫百餘里莫不萃於一書將
以上之大府採之輜軒

國史因之以傳無窮蓋可忽乎渠自
巴西置郡宕渠名州雖數以廢置

渠縣志

而渠名不易迨我

朝定鼎渠中遺民先迎

王師早隸版圖迄於今二百餘年矣
宏惟我

朝聲教洋溢浹洽恩膏子惠元之罔
間南翔况渠為禹臨渠州之地秦
漢以來古為郡縣者哉宜其人文

炳蔚戶口繁滋而遠儕齊魯也
恐其遠年湮文獻無徵載筆之士
或擇焉而不精語焉而不詳挂漏
之譏在所不免予乃細加校讐先
之以補遺次之以訂訛又次之以
續纂別戶分門名從其類不惟此
五十二年中之文獻足徵即前此

渠縣志

三

數十百年之稅徭亦大白於天下
後之開卷瞭然如指諸掌吾去後
之守是土閱是志者必悠然而動
遐思考山川之形勢疆域之遠濶
戶口田賦之增益城池閭閻之備
補必曰此皆

聖朝之所分疆畫井遷定安集者也四

郊吾園當思所以固之久學校凡
修之盛衰職官政績之燦著與夫
典制立法之闕深人物藝文之蹟
碑必曰此昔賢之所早作夜思
籌度美善者也為民父母當思所
以培之觸類而思不一而足吾知
是志之成所以垂法將來希心往

哲奚心哉潛德之幽光而已哉美
夫逢掖之士黔黎之徒乃覩是志
而生至景慕者當思

聖朝休養生息

湛恩汪濊如日月之麗天江河之行地
而凡志中所列之嘉言懿行莫不
可法可師忠孝節義之志皆有示

油然而生者乎庶頑立懦化民成
俗將於是乎在于不敏無德以及
渠人敬書鄙願以貽之
同治三年上元甲子暮春之吉知
渠縣事桂林何慶恩序



渠縣志原序

郡邑有志猶國之有史也史以紀事定功罪於當時垂鑒戒於後世彰善癉惡其功鉅矣若志於山川形勢土物租庸固因事直書以備稽考其於風俗之淳漓人物之隆替以及運會之遷流民生之休戚罔不悉載寓褒貶以示勸懲俾讀者莫不嚮慕感激有以發其忠孝節義之心是雖志乎其功亦儼然史也

渠縣志

原序

故志之爲用與史等而修志之功與修史等我

朝定鼎

聖相承建中和之極綜百王之治金聲玉振已百年於茲矣曩者

特簡儒臣編摩史館復

詔纂修通志採入史書猗歟盛哉渠在西蜀一隅夙稱名區前代賢豪載在方策而且川嶽鍾秀

人文蔚起百餘年中日新月盛紀載所及
足上備輜軒下堪型世乃乙卯歲余奉

簡命來撫茲邑於簿書之暇索求志乘見一抄本詢

諸吏則前令房山徐公兆麟同邑明經李君
隸商訂成冊七八年來列憲檄查隨命抄謄
上達轉相摹倣錯訛脫漏將作者苦心幾埋
沒於亥豕魯魚之手矣余曰書未鐫刻宜其
至於此也因索原稿明白顯易惜其畧而未

渠縣志

原序

二

詳丁巳冬復於郡伯李公署中得閱所藏順
屬全志內紀渠事頗爲詳盡因持歸延明經
李君祖茆孝廉雷君司和段君雲翮諸君子
公同參閱凡載郡志者逐一檢拾無令有遺
其紀原本者逐一訂正毋使有訛缺畧者補
之失次者序之集兩志爲一書閱兩月而功
竣於是乎百餘里之封域數百年之遺事瞭
若指掌矣余旣與諸君子翊贊成書諸君子

卽屬余弁語余維志之作也非徒博洽
原爲勸戒人心計也後之讀是編者按山川
而明扼塞稽戶口而辨寡多知其爲

聖天子之所奠麗而經理者也司牧者將何以無忝
乃職乎考科目而識盛衰列銓選而卜消長
知其爲

聖天子之所樂育而旁求者也誦讀者其何以克勤
乃業乎鉅之而忠孝節義之必詳道存鼓勵

渠縣志

原序

三

細之而方技藝文之必錄識資博採無非鳴
我

國家物華天寶人傑地靈之盛載筆所係不綦
重哉因捐俸鐫刻昭示來茲雖屬一隅之志
不足備

乙夜之觀然於掌故之中寓勸懲之意或亦可
以資

國史之採擇以無負余與諸君子繩繩祇慎之

心至聞見或域於耳目恐有缺畧不全之處
倘同志者博輯而補綴之是則余之厚望云
爾

乾隆三年歲在戊午蒲月文林郎知渠縣事
三韓蕭鋹聲遠氏題於官署之忠愛堂

渠縣舊志原序

戊午冬予奉

命宰渠因思斯土自明季遭獻逆兵燹一切居民城
郭無不殘毀幸際我

朝定鼎以來

歷聖相承教養安全人物規模應倍勝於往昔而文
獻之足徵與否終遙遙莫能預必也已未夏
涖任後政務紛煩未遑諮訪今春因公事與

渠縣志

原序

五

孝廉雷子非同段子于飛明經李子寶樹輩
接見之餘詢此邦志乘果湮沒無傳賴前令
聖徵徐公廣搜編輯抄彙成帙惜有志未終
幸聲遠蕭公繼治此地復與李子輩訂訛補
畧考校纂修遂成二卷使邑之山川人物宛
然在目此固復纂之功居多而創始之苦心
實與並傳也予今繼二公後雖不暇親爲點
竄諒已經二公與諸君子之手自必足徵於

將來可資乎

國史用是捐俸鐫刻以期不朽茲將成而諸君子欲予序其首予既不獲以不文辭又不敢據拾鋪張自號作者亦第序予

命之初心及晤諸君子得悉志乘所由來而樂勦其成耳

乾隆五年歲次庚申十月望日

賜進士出身知渠縣事李雲驪良齋氏題

渠縣志

原序

六

渠縣志序

粵自循蜚疏仡未啟苞符龍馬龜書漸開圖
畫典傳稽古國史肇自虞書政貴觀風志乘
垂於周禮太史殷乘軒之采春官重掌志之
人知郡邑之有書猶
國家之有史誠臣工宜修之令典而
朝廷必備之成編也方今

聖天子文治覃敷

渠縣志

序

七

綸音丕布志編一統百餘年景運重新風採四方億

萬載

天休未艾奉

御章於

楓陛全川勒風俗之書開志局於蓉城

方伯總纂修之任金陵妙選聘重席珍粉署
華資下來蕃榻授簡則權操筆削臨文則隱
寓褒譏燕寢凝香總理者西江太守蓮帷點

筆分任者南國英才細羽檄之分馳微書不
蜀看紅塵之飛騎問俗流江惟茲渠水東西
實載

恩高厚八濛聳峙環鎮百里之幅幘七曲滌洄襟
帶萬家之烟火黎狀元之雅望經術無雙王
太守之芳踪忠貞第一里曾來鳳寺可棲賢
福壽西來龍驤北駐此其山川之雅麗運會
之遷移固已載在縹緗用昭勸懲矣乃自兵

渠縣志

序

八

燹以後率多亥豕之訛緣沿山前風徽已邈
銅魚洲畔逸事都遙是宜重發幽光遍搜潛
德俾散逸者垂於不朽而湮沒者附以俱傳
竊念狐史敘書濡毫瑰博龍門紀事簪筆精
詳非藜閣之宏才不克增光於

國體必石渠之碩學始能詳練乎

朝章遴漁漉清門瑯琊後進城分文武竝雙鳳
之亭雲池漱聰明吸一蘭之甘露採芹弱冠

技愧雕蟲折桂中年才慚窺豹題襟漢上
硯都門屢結香社因緣未忘菜根風味幸叨
仕版來自夔巫巴峽之間歷捧檄書常懷訓
俗型方之治行旌無定政績綦繁偶以公車
權茲望縣簿書暫暇擬裁潘縣之花案牘餘
閒先輯虞城之志自知蠡酌測海未能豈有
蚊蟲負山不仆然而書成邑乘典係

朝綱羣欽

渠縣志

序

九

鳳詔遙頒未可蟬知是謝由是分條晰縷滴露研硃

如編乙史甲經自忘寅籌戍箭星分參井悉
譜歌謠地踞雍梁宛陳圖象累朝沿革人民
幾閱滄桑百里封疆山河足徵帶礪溯先疇
於隴畝丁男戶口人有十倫訪舊德於編氓
井屋通成賦分九等期金湯之鞏固明筦鍵
之森嚴斷碣殘碑風流斯在斜陽蔓草往事
堪懷化愜藻芹如覩菁莪之盛禮垂俎豆咸

知黍稷之馨祠廟則著其輝煌宮觀則稱其
壯麗繪幽風於黼座俗盡還醕詳軍政於簡
編師皆偃武饑司茗局法本上輸金穰木饑
恩期下逮古稱遺愛陰留郇黍召棠典重賓
興士盡鵬搏鶚薦投關推印操比寒松陟岵
瞻雲門生孝笋指困誼重如聞雷鼓之音化
石心貞堪誦柏舟之句或則情甘石隱或則
名溷寓公策對奏疏昭廟堂之龜鑑詩歌騷

渠縣志

序

十

賦爲藝苑之鴻資人物清華高風不墜文章
彪炳亙古如茲期甲比以成書力難授梓曾
丁甯而啟事會訂醵金所幸集腋爲裘釀花
成蜜旣謀剗剗用付棗梨茲據襄事諸公同
索余言弁首幸當時崔顥去已題詩嗤此日
王褒情殷獻頌敢矜莛叩思擬議夫高深遑
恣管窺冀稱揚夫萬一拈來玳管劈彼苔箋
勉撰蕪詞敷陳毫末繫此時操觚染翰已慚